

Урднь ямр бääсмб?

Садовое—гидж хара õгсн нерн биш. Учр юондв?—гигъад сурхт. Тер болхла, селäг эргүлäd тärсн зер-земшин модд, у-õргн, энъ-зах уга Хальмг теегин дунд кõкрдж кеерүлäd, зуна чилгчär дала гидг альмн, айва, кедмärн äмт теткдг ик садтаднь тиим нер õгсн болдг.

Болв, тер садмуд кенä бääсмб?—гигъад сурхла, тана зõв. Тедн болхла, äмтнä шимшүүс уудж байджсн, хотарн дүүрнъг малта, хавтхарн дүүрнъг мõнъгтä, сансарн зардг, седсärн нойлдг Жарков, Серов гидг баячудин бääсмн.

Тер цагт Садовое—наадкслагъан äдл йилгъл уга мокн шавр наалдулад кесн, äмтн бääдг бичкн-бичкн харнъгъу хар гермүдтä селән билä. Хойр-гурвн сән гермүд бääрн баячудт бääсмн. Теднд болхла, балгъснас мод хулддж авхд мõнъгн чигн бääх, зõөдж авхд аргъ чигн бääх улс болджана.

Сургъуль-эрдм йир ховр билä. Наадк, хаджугъар бääсн бичкн күүтрмүдт болн хотдудт биш, Садовое деер ганцхн эклц школ бääсмн. Дундин болн долан джилä школмудин тускар ухалад керг уга билä. Терүн деерән, тер школд аргъта тоотиннь кõвүд-күүкд орхас биш, уга-

тä улсин үрн-садн ордг аргъ уга билä.

Äмт эмнллгън болхла телнäsн дор болсн учрар, нег чигн больниц, амбулатор биш, нам эмч уга билä. Шалтглсн цагтан äмтн, бääсн невчкн мõнъгән, идх-уухан авад, кõлднь мõргдж, селänd бääсн „медлгч“ нертä эмгнд одад, тернь зүсн-зүүл ааль гаргъад, домнад, туслта-тус уга болвчн, õвс буслгъад, эмсн болдмн. Тиигäd чигн үлү гидг хальдвр-халун гемär олн äмтн гемнäd, теднд кедг эмнллгън уга болсар ик гару болдг билä.

Олн-äмтн харнъгъу сургъуль-эрдм уга болсар клуб, библиотекс бас уга билä. Электричеств гер болгънд, селәнä уульнцар шатдж, радио келх биш, нам тиим юмн бääдг гидж келсн күн, шулм-эрлглä холвдсн гигъад кõөгддм билä. Тер учрар чигн äмтн зерглсн галин залär герл кецхädж бääцхäсмн.

Дакад болхла усн герин газар ирдж, кранар секгддж авх биш, цугъар эемärн 2-3 километрт зõөдж уудг билä.

Алдр Октябрьск социалистическ революцин õмн тиим харнъгъу—хоцр селән Äрäsäd ганцхн Садовое биш, дала бääснь лавта мõн.

А. КОРОБКИН,
сельсоветин ахлач.